

近事會元

附校
勘記



Z121

1:2748近

60594

事

會

元

附校
勘記

李上交
撰

中
華
書
局

叢書集成初編

近事會元 附校勘記

中華書局 出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：ISBN7-101-00894-1/K·367

近事會元

叢書集成初編所
選畿輔叢書守山
閣叢書皆收有此
書守山閣本在前
故據以排印

原序

儒家者流，誠資博洽。天下之事，故有本原。苟道聽之未詳，則賓園而奚解？實繁廣記，以避無稽。嘗謂經籍之淵，頗易探討。耳目之接，或難周知。上交以退宮鍾陵，靜尋近史，及諸小說雜記之類，起唐武德而下，盡周顯德之前，擷細務之所因，庶閒談之引據。如曰小不足譜，備則包羞。聊此篇聯，無誚叢脞。凡五百事，釐爲五卷。曰近事會元爾。時丙申嘉祐，故元長至日也。

四庫全書提要

近事會元五卷。宋李上交撰。上交贊皇人。始末未詳。是書成於嘉祐元年。前有上交自序。陳振孫書錄解題曰。近事會元五卷。李上交撰。自唐武德至周顯德。雜事細務皆紀之。錢曾讀書敏求記曰。上交退寓鍾陵。尋近史及小說雜記之類。凡五百事。釐爲五卷。目曰近事會元。唐史所失記者。此多載焉。此本末題萬歷壬辰。元素齋錄副本。猶明人舊鈔。卷數與二家所記合。其紀事起訖年月。與振孫所言合。條數及自序之文。亦與曾所言合。蓋卽原本。惟振孫以爲皆記雜事細務。今觀其書。自一卷至三卷。首載宮殿之制。次載輿服之制。次載官制軍制。其次亦皆六曹之掌故。四卷爲樂曲。爲州郡沿革。惟五卷頗載瑣聞。然如婦人櫛子兜籠。綫轆。親迎。舉樂。障車。公主事姑舅。公主賜諡。山川岳瀆封號。國忌行香。上元點燈。散從親事。官處士諡。先生律格。赦書投匭。刑統律令。死罪覆奏。斷獄禁樂。逐旬問罪人表狀。書奏制勅。及始流沙門島。始配衙前安置。始貶厓州諸條。亦皆有關於典制。大抵體例。在崔豹古今註。高承事物紀原之間。其中如霓裳羽衣曲。考證亦極精核。不可徒以雜事細務目之。振孫殆未詳核其實。但見其標題列說。如雲仙雜記。清異錄之式。遂漫以爲小說歟。

近事會元卷一

宋李上交撰 金山錢熙祚錫之校

太極殿

唐高祖于隋義寧二年五月受隋禪，改大興殿爲太極殿。

翠微宮 長安本太和宮

唐太宗貞觀二十一年四月，營太和宮於終南山，尋改爲翠微宮。

玉華宮 坊州

唐太宗貞觀二十一年七月，建玉華宮于坊州宜君縣之鳳皇谷。

玉華寺

唐高祖永徽二年，廢玉華宮爲玉華寺。

八關宮 合璧宮 雒陽

唐高宗顯慶五年四月，造八關宮於東都苑內，五月，復改爲合璧宮。

天宮寺 洛陽

唐高祖潛龍時舊宅。

蓬萊宮洛陽

唐高宗龍朔二年四月造。

乾元殿洛陽

唐高宗麟德二年三月造。

紫桂宮洛陽

唐高宗儀鳳四年五月造于沔池之西。

龍尾道 含元殿長安

唐高宗咸亨元年三月改長安蓬萊宮爲含元殿。側有龍尾道。自平階至地。凡詰曲七轉。曰丹鳳門北望。宛如龍尾下垂于地焉。兩垣欄悉以青石爲之。至今石柱猶有存者。

萬年宮 九成宮長安

唐高宗永徽二年九月改九成宮爲萬年宮。

集賢殿 麗正殿 集賢殿書院長安

唐明皇開元十三年四月改集仙殿爲集賢殿。改麗正殿書院爲集賢殿書院。

廣花萼樓 勤政樓 築夾城芙蓉園長安

唐明皇開元二十年六月長安廣花萼樓前面題曰勤政樓。又築夾城芙蓉園。

太清宮

唐明皇天寶二年九月，勅譙郡紫極宮，宜準西京爲太清宮。

觀風樓長安

唐明皇天寶八年四月，於華清宮作觀風樓。

再廣長安夾城長安

唐德宗貞元十二年八月，廣夾城。

華清宮 溫泉宮長安

唐明皇天寶六載十月，改溫泉宮爲華清宮。

紫極宮

唐明皇天寶二年，諸州置紫極宮。

集靈臺 長生殿長安

唐明皇天寶元年十月，新成長生殿，名曰集靈臺，以祀天神也。

明皇歸西內 興慶宮長安

唐肅宗上元元年七月，上皇自興慶宮移歸西內，李輔國遷之興慶宮，卽南內也。

延英殿

唐傳載云。肅宗以苗晉卿年老艱步。故設之也。後來臣僚得詣便殿。多以私自集。希求恩寵。欲進其身。以此爲望焉。

都亭驛 上元驛林

晉高祖天福五年八月。改東京之上元驛。爲都亭驛。

至德宮洛陽

後唐明宗天成元年六月。以舊宅爲至德宮。

紫宸殿 萬歲殿

周世宗顯德六年十二月。改內萬歲殿爲紫宸殿。

改宮殿門名洛陽

唐哀宗天祐二年五月。延喜門改爲宣仁門。重明門改興教門。長樂門改光政門。光範門改應天門。應天門改爲乾元門。宣政門改爲敷政門。宣政殿改爲貞觀殿。日華門改爲左延福門。月華門改爲右延福門。萬壽門改爲萬春門。積善門改爲興善門。含竟門改爲廣福門。含清門改爲延義門。金鸞門爲千秋門。延和門爲彰善門。

帝王服赤黃袍衫

唐太宗貞觀中。制翼善冠。朔望視朝。以常服。及帛練裙襦通著之。若服袴褶。又與平巾幘通用。著于令。其

常服赤黃袍衫。折上頭巾。九環帶。六合靴。皆起自魏周。便于戎事。貞觀已後。非元日冬至受朝。及大祭。皆常服而已。志云。中宗景龍二年七月。太子左庶子劉子元。進議曰。燕服。蓋古之襲服也。今亦謂之常服。江南則以巾褐裙襪。北朝則雜以外國之制。爰自北齊。有長帽短袴。合袴襖子。朱紫元黃。各任所好。雖謁見君上。出入省寺。若非元正大會。一切通用。高氏諸帝。常服緋袍。隋代帝王貴臣。多黃服。文綾袍。烏紗帽。九環帶。烏皮六合靴。百官常服。同于匹庶。皆著黃袍。出入殿省。天子朝服亦如之。惟帶加十三環。以爲差異。蓋取其便事。其烏紗帽漸廢。貴賤通服。折上巾。其制。周武帝建德年所造也。晉公宇文護。始命袍加下襴。及大業元年。煬帝始制詔吏部尙書牛宏等。憲章古則。創造衣冠。自天子逮于胥吏。章服皆有等差。始令五品以上。通服朱紫。已後用兵。及車駕行幸。百官雖服袴褶。而軍間不便。六年。復詔從駕遠者。皆戎衣。貴賤異等。雜用五色。五品以上。通著紫袍。六品已下。兼用緋綠。胥吏以青。庶人白。屠商阜士。赤黃。武德初。因隋舊制。天子燕服。亦名常服。唯以黃袍及衫。後漸用赤黃。遂禁士庶。不得以赤黃爲衣服雜飾。

幘頭 帽子 腰帶 靴 公服

右五事。上官詳前帝王服色。赤黃之說。下文幘頭。乃烏紗帽耳。當時必垂其帽之餘者。故前說云。漸廢。是廢其制度也。又云。貴賤通服。折上巾。只是以其帽之餘帛。折而上繫之。俗謂幘頭小脚。以便事也。似謂無巾子時爲帽。冒其頭也。有巾子時爲巾也。今之小紗帽子者。亦以因幘頭而生其制。又去其巾子耳。何者。其帽之餘帛。亦折而上綴之。俗曰帽簷是也。腰帶。乃是九環十三環帶也。首環。卽今之帶上金玉等名具。

也。俗曰袴具。言在袴具之上。有眼目曰左眼。是不忘其本。存古之環象也。環以佩魚龜算帟等也。韓卽六合靴也。以六片縫合而成。公服卽宇文護加欄之袍也。

笏

唐高祖武德四年八月。勅五品已上象笏。三品已上。前挫後直。五品已上。前挫後屈。自有唐已來。一例上圓下方。曾不分別。六品已下。執竹木爲笏。上挫下方。

手巾 算帟 刀子 磨石 帖鞞

唐高宗上元元年八月。又制。一品已下並帶之。武官欲帶者聽之。睿宗景雲元年七月。詔一品已下。帶手巾算帟。其刀子礪石等。不許佩。武官五品已上。佩帖鞞七事。七事謂佩刀、刀子、礪石、契苾、真噉厥、針筒、火石也。開元初復罷之。

幘頭巾子

唐制云。武德已來。始有巾子。文官名流。尙平頭小樣者。則天朝貴臣。內賜高頭巾子。呼爲武家諸王樣。中宗景龍四年三月。因內宴。賜宰臣已下。內樣巾子。開元以來。文官仕任。多以紫皂官絁爲頭巾。平頭子。相效爲雅製。開元十九年十月。賜內供奉官及諸司長官羅頭巾。及宮樣巾子。迄今服之也。今宋朝所謂頭巾。乃古之幅巾。賤者之服。

金銀銅魚帟 龜帟 特進佩魚 散職佩魚

唐高宗永徽二年五月，開府儀同三司及京官文武職事四品五品，並給隨身魚符。至咸亨三年五月，五品已上，賜新魚符，並飾以銀。三品以上，各賜金符、刀子、礪石。至垂拱二年正月，諸州都督刺史，並准京官帶魚符。至天授元年九月，改內外所佩魚作龜。久視元年十月，職事三品已上，龜符並用金飾。四品用銀飾。五品用銅飾。上守下行，皆從官給。神龍元年，內外官五品已上，依舊魚符。六月，嗣王郡王，特許佩金魚符。景龍三年八月，令特進佩魚，散職佩魚，自此始也。自武德已來，皆從正員帶關官，始佩魚符。員外判試檢校，自則天中宗後始有之，皆不佩魚。雖正員官得佩，亦去任及致仕，卽解去魚符。至開元九年，張嘉貞爲中書令，奏諸致仕，許終身佩，以爲榮寵，以理去任，亦聽佩魚符。自後恩制，賜賞緋紫，例兼魚符，謂之章服。因之，佩魚符服朱紫者甚衆。

改銅魚符

唐則天嗣聖元年，詔五品佩銅魚符。中宗反正從舊。

佩龜

唐則天天授元年九月，改內外官所佩魚作龜。

乘輿案褥牀帷用赤黃

唐明皇天寶六載，禮儀使太常卿韋縉奏，舊用紫，今請依御袍赤黃色，勅從之。

銀菟符

隋義寧二年三月封唐祖爲相國總百揆四月停竹使符頒銀莢符於郡國也

銀魚符

唐高祖武德元年九月改銀莢符爲銀魚符也

笏囊

唐傳云故事皆摺笏於帶而後乘馬開元二十四年宰相張九齡體羸常使人持之因設笏囊笏囊之設自九齡始也

腰輿

唐則天神功元年幸萬安山玉泉以山徑危欲御腰輿而上以王慶諫而止

皇親禁人出入掖庭

唐明皇開元十年九月禁諸王公主駙馬外戚家除非至親以外不得出入門庭妄說言語

親試舉人

唐高宗顯慶四年二月上親試舉人凡九百人內五百人登上第

眞宰相

唐高祖武德初至長安四年已前僕射並是眞宰相

專知樞密

唐太宗貞觀十六年正月。岑文本爲中書侍郎。專知樞密。

知門下省

唐太宗貞觀十六年。鄭國公魏徵爲太子太師。知門下省事。

同中書門下三品

唐太宗貞觀十七年三月。以兵部尙書英國公李勣爲太子詹事。同知中書門下三品。

參預朝政

唐太宗貞觀十八年八月。以刑部尙書張亮參預朝政。

左右相

唐明皇天寶元年二月。侍中爲左相。中書令爲右相。

宰相以平章事爲名

唐高宗永隆二年。以中書侍郎郭正一與魏侍舉。並同中書門下平章事。此官自正一始也。

參知機務

唐太宗貞觀二十二年正月。以崔仁師爲中書侍郎。參知機務。

僕射始帶同中書門下

唐太宗貞觀二十三年。高宗嗣位。至七月。以李勣爲尙書右僕射。爲中書門下三品。

參知政事

唐高宗顯慶四年五月以兵部尚書任雅相度支尚書盧承慶並參知政事

平章事

唐高宗永淳二年四月上謂參知政事崔知溫曰郭正一魏待舉等歷任尚淺且令預聞政事未可與卿等同名稱自是外司四品已下知政事者遂以平章事爲名

文昌臺 鸞臺 鳳閣 左右肅政臺

唐則天光宅元年九月改尚書省爲文昌臺左右僕射爲文昌左右相吏部爲天官戶部爲地官禮部爲春官兵部爲夏官刑部爲秋官工部爲冬官門下省爲鸞臺中書省爲鳳閣御史臺爲左肅政臺專知京師百官及監諸軍旅并承詔出使更置右肅政臺專知諸州按察

鸞臺侍郎 都臺 麟臺 控鶴

唐則天垂拱元年二月改黃門侍郎爲鸞臺侍郎文昌都省爲都臺祕書省爲麟臺左右監門率府爲控鶴禁衛率府至神龍二年二月詔並卻依舊依永淳已前官名

賜宰相生日器幣

晉少帝天福六年七月賜宰臣馮道生辰器幣道辭以幼失父母不記生日堅讓不受生辰賜物始此也

前八司

唐志云、吏、兵、禮部、考功、都省、御史臺、中書、門下、謂之前八司、其餘則曰後行。

中書草制

唐憲宗元和八年、前朔方靈鹽節度使王伋、爲右衛將軍、凡將相出入、翰林草制、謂之白麻、至伋貴罷、中書草制、因爲例也。

沙堤長安

唐李肇國史補云、拜宰相禮絕班行、府縣填路、自私第至于子城東、街名沙堤。

火城

李肇國史補曰、宰相元日冬至立仗、太官皆備珂轍、列燭有五六百炬、謂之火城、宰相將至、則皆滅、以避宰相也。

兩省 四孔炙 宰相判官 廳脚 撻額裏頭

唐盧氏雜說云、諫議無事不入、宰相每遇入省、有廚食四孔炙、中書舍人、時謂宰相判官、宰相親嫌、不拜知制誥爲廳脚、又云、不由三省、直押中書舍人者、謂之撻額裏頭。

時政記

唐則天長壽二年、姚璿奏、以爲帝王謨訓、不可暫無紀述、若不宣自宰相、百官無從得書、乃表請仗下所言軍國政要、宰相一人、專知撰錄、號曰時政記、每日封送史館、宰相之撰時政記、自璿始也。